



Sesida dals

24 d'avust 2021

Communitgà ils

30 d'avust 2021

Protocol nr.

771/2021

Incumbensa Hardegger

concernent l'examinaziun da la cumpetitivad dals salaris da tschertas professiuns
dals fatgs da sanadad

Resposta da la Regenza

Il personal dals ospitals, da las chasas da personas attempadas e da tgira sco er dals servetschs da spitex ha ademplì ina gronda prestaziun dapi l'erupziun da la pandemia che dura anc adina e che vegn bain a durar anc in temp. El è – sco ch'i vegn explitgà en l'incumbensa – per part arrivà al cunfin da sias capacitads durant ils temps acuts da la pandemia. En sia resposta a l'incumbensa Rutishauser concernent il pajament d'ina premia da corona al personal da sanadad dal Grischun ha la Regenza undrà la gronda prestaziun dal personal dals ospitals, da las chasas da personas attempadas e da tgira sco er dals servetschs da spitex durant quest temp extraordinari ed al ha er engrazià per quai.

Sin ina dumonda correspudenta dal Departament da giustia, segirezza e sanadad (DGSS) ha la Federaziun grischuna "Chasas ed ospitals" (FCO) e la Federaziun grischuna da spitex (FGRS) declerà che las federaziuns hajan actualmain planisà pass per realisar in'examinaziun da las cundiziuns d'engaschament dal personal da tgira en il chantun Grischun. Da vart da las federaziuns vegn la probabilitad che questa retschertga vegnia realisada considerata sco gronda.

Pervia da questa situaziun da partenza na resguarda la Regenza quai betg sco raschunaivel, sch'il chantun da sia vart fa er anc ina retschertga resp. in'examinaziun da las cundiziuns d'engaschament dal persunal da tgira en il chantun u incumben-sescha terzas varts cun ina tala. Però sa declerass il chantun pront da gidar las federaziuns cun cussegl e sustegn.

Sa basond sin questas explicaziuns propona la Regenza al Cussegl grond d'acceptar questa incumbensa e da la stritgar sco liquidada.



En num da la Regenza

Il president:

Dr. Mario Cavigelli

Il chancelier:

Daniel Spadin